


三才廣志

春秋三傳傳授之圖



春秋始末

孔子因魯史作春秋十二篇始隱公終獲麟而二百四十二年之行事備矣四漢藝文志曰仲尼有所褒貶貶損不可書見口授子弟子弟退而異言丘明恐子弟各安其意以失其真故論本事而作傳明夫子不以空言說經也春秋序曰春秋者魯史記之名也記事者以事繫日以日繫月以月繫時以時繫年以紀遠近別同異也故史之所以記必表年以首事年有四時故錯年以爲所記之名也周礼有史官掌邦國四方之事達四方之志諸侯亦各有國史大事書之於策小事簡牘而已孟子曰楚謂之檮杌晉謂之乘而魯謂之春秋其實一也仲尼因魯史策書成文考其真偽而志其典

禮上以遵周公之遺制下以明將來之法其載之
所存文之所害則刊而正之以示勸戒其餘則皆
即用舊史史有文則辭有詳畧不必改也仲尼曰
文王既沒文不在滋乎此制作本意也歎曰鳳鳥
不至河不出圖吾已矣夫蓋傷時王之攻也麟鳳
五靈王者之嘉瑞也今麟出非其時虛其應而矣
其歸此聖人所以為感也絕筆於獲麟之一句者
所感而起固所以為終也而微言獨傳於子夏太
史公猶謂其不能贊一辭彼公穀之書方出於漢
樵載尸子等之語而其師承豈獨專於子夏宜其
駁而不純也初漢興張蒼賈誼張敖劉公子皆修
春秋左氏傳賈誼亦為左氏訓詁授貫公以至賈
護護授陳欽欽以左氏授劉歆漢初胡毋生治公

羊春秋與董仲舒周業公孫強亦願受焉其右有
嚴彭祖顏安樂之徒顏之後有冷豐任公莞格宜
都之季初瑕丘公受穀梁春秋於甲公孝武時
江公時與仲舒議不如仲舒而丞相公孫弘本爲
公羊季卒用董生上因尊公羊家詔太子授公羊
由是公羊大興太子既通公羊而後私問穀梁而
善之宣帝即位聞衛太子好穀梁春秋以問丞相
韋賢及夏侯勝史高皆魯人也言穀梁子本魯季
公羊乃齊季宜興穀梁時以穀梁並設上前上善
穀梁甘露五年召五經名儒肅望之大議殿中平
公羊穀梁同異各以經處是非望之苛多從穀梁
由是穀梁之季有尹更始胡常申章昌房鳳之季
漢初有公羊穀梁鄭氏夾氏四家並行王氏之亂

鄭氏無聞矣氏亡書而三傳所按並各有降自河
間獻王獻左氏而劉歆之引傳文以本經之相發
明由是章句義理備焉儒林贊曰初立博士惟春
秋公羊而已宣帝世復立穀梁平帝時又立左氏
然則左氏三家為最後顯光武特 廷議立左
氏范升以為不宜立賈氏陳元請立博士賈逵言
五經家皆無以證圖讖明劉氏為克後者而左氏
獨有明文范會自秦還晉其處者為劉氏明漢家
克後也故卒立博士雖選孝孝封會封卒左氏後
廢史通云和帝元興十一年鄭興父子請重立李
官至魏晉漸行隋劉炫撰春秋述議專解杜預左
氏傳唐孔穎達為正義陸淳撰集 春秋纂例淳
事趙正正師啖助淳傳二家之李

詁訓傳授

公羊戴玄傳序云子夏傳之公羊高高傳其子平
平傳其子地地傳其子敢敢傳其子壽至漢景時
壽乃與子弟胡毋子都著以竹帛其傳董仲舒以
公羊顯于朝又四傳至何休為經傳集詁其書遂
傳鄭元曰公羊明識休注引識最多董仲舒少治
春秋孝景時為博士謹按春秋之文求王道之端
得之於正正次王王次春春者天之所為也正者
王之所為其意曰上承天之所為而以正其所為
正王道之端云示臣謹按春秋謂一為元之意一
者萬物之所從始也元者辭之所謂大也謂一為
元者視大始而欲正本也春秋深探其本而及自
貴者始仲舒治國以春秋災異之變推陰陽所以

劉行公孫弘治春秋不如仲舒以弘爲後說仲舒
說春秋事得失有奉玉杯蕃露清明竹林之屬復
數百篇十餘萬言胡毋生字子都齊人也治公羊
春秋爲景帝傳士與董仲舒同業仲舒著其德年
老歸教於齊齊之言春秋者宗事之公孫弘亦頗
受焉而董生爲江都相弟子蘭陵褚大東平嬴公
廣州段仲溫呂步舒褚大至梁相呂步舒丞相長
史嬴公守孝不失師法爲昭帝諫大天授東海孟
卿魯眭孟孟卿東海人魯眭孟爲符節令生說災
異誅嚴彭祖字公子東海下邳人也與顏安樂俱
事眭孟弟子百餘人維彭祖安樂爲明贊問疑誼
各持所見孟曰春秋之意在二子矣孟死彭祖安
樂各專門教授由是公羊春秋有顏嚴之學彭祖

為宣帝博士至河南東郡太守以高第入為左馮
翊廷太守太傳竟以太傳官終受琅邪王中王中
為元帝少府家世傳業受同郡公孫文東門雲東
門雲為荊州刺史坐為江賊拜辱命下獄誅公孫
文為東平太傳顏安樂為公孫魯國薛人也莊孟
姊子也官至齊郡太守丞後為仇家所殺安樂授
淮陰冷豐次君淄川任公由是顏家有冷任之季
冷豐為淄川太守豐授馬宮琅邪左咸任公為少
府貢禹事嬴公成於莊孟至御史大夫禹授顏川
堂谿惠踈廣事孟卿至太子太傳廣授琅邪莞輅
明春秋為九傳莞輅為御史中丞輅授孫室堂谿
惠授太山冥都冥都丞相史與莞輅文事顏安樂
授顏氏後有莞冥之季孫室為大司農左咸為郎

守九卿秩奉大盛官至大司徒

王接注公羊

接常謂何休訓釋其詳而黜周王魯大休章繆且志通公羊而徃徃還為公羊疾病接乃更注公羊春秋多有新義

穀梁

穀梁受經於子夏為經作傳故曰穀梁傳傳荀卿荀卿傳魯人申公申公魯人也卒以詩春秋授瑕丘江公受穀梁春秋及詩於魯申公傳子至孫為博士其後浸微惟榮廣皓星公二人受焉榮廣能夔傳其詩春秋高才敏捷與公羊大師賈孟等論數困之故好學者復受穀梁蔡千秋周慶丁姓皆從廣受蔡千秋又事皓星公為孝最篤宣帝即位

問丞相常賢言穀梁子本魯季也公羊氏乃齊
季也宜與穀梁時千秋為郎召見與公羊家並說
上善穀梁說擢千秋為諫大夫給事中後有過左
廷平陵令復求能為穀梁者莫及千秋上愍其孝
且絕乃以千秋為郎中戶將選郎十人後受尹更
始本事蔡千秋為諫議大夫長樂戶將又受左氏
傳取其變理合者以為章句傳子咸及翟方進琅
邪房鳳翁君本事蔡千秋周慶千秋死徵江公孫
為博士江博士復死乃徵周慶丁姓侍詔保宮使
卒授十人自元康始講至甘露元年積十餘年皆
明習丁姓字孫至中山太傅授楚申章昌申章昌
字曼君為博士至長沙太傅徒衆尤盛尹咸至大
司農翟方進至丞相房鳳字子元不其人也以

射策乙科惠太史掌故仕至青州牧始江博士校
朝常常授蕭秉王芥為講李大夫由是穀梁春秋
有尹胡申章房氏之李

范甯徐邈注解

范甯以春秋穀梁未善釋遂沉思積年為之集
解其義精當為世所重既而徐邈復為之注亦稱
之

左傳

劉向別錄左丘明授魯申魯申授吳起吳起授子
期子期授楚人鐸椒鐸椒作抄撮八卷授虞卿虞
卿作抄撮九卷授荀卿卿授張蒼漢興北平候張
蒼及梁大傳賈誼京兆尹張敞大中大夫劉公子
皆修左氏春秋傳誼為左氏博訓故授趙人賈公

爲河間獻王博士子長卿爲蕩陰令受張禹禹與
蕭望之同時爲御史數爲望之言左氏望之善之
上書數以稱說後望之爲太子太傳薦禹於宣帝
徵禹侍詔未及問會疾死授尹更始更始傳子咸
及翟方進胡常常授黎陽賈護哀帝時待詔爲郎
授蒼梧陳欽以左氏授王莽至將軍而劉歆從尹
咸及翟方進受由是言左氏者本之賈護劉歆前
漢傳左氏者有張蒼賈誼尹咸張敞劉歆後漢有
鄭元鄭衆馬逵馬融延薦彭仲博許惠卿服虔穎
究之徒各爲訓詁魏世則董遇王肅爲之注然其
間有取公羊穀梁以釋左氏者惟晉世杜元凱專
取丘明之傳以釋經義疏有沈休文蘇寬劉炫然
沈氏於義例粗得於經傳極疎劉光伯於數經之

內實為翹楚然并短左氏之失凡一百五十餘條
杜預左傳集解

晉杜預元凱集劉子駿賈景伯父子許惠卿穎子
嚴之經分經之年與傳之年相附其發明甚多古
今稱之然其弊則其經信博如成公十三年康遂
之傳載秦敗績而經不書以為晉直秦曲則韓
役書戰時公在師復不告克捷有功亦無所諱於
左傳之例皆不合不曰傳之謬而猥稱經文缺漏
其尤甚者至如此

汲冢師春

杜預左氏後序云汲冢師春純集疏左氏傳上筮
事上不次第及其文義皆與左傳同師春純集者
人名也

文宗好左氏令翰林侍讀李士高重分諸國名爲書引名經傳要略藝文志有春秋纂例四十卷乃是

服氏傳解

何休嘗以春秋駁漢事六百餘條妙得公羊本意服虔又以左傳駁何休之所駁漢事六十條又作春秋左氏傳解

于令升獨美左傳

于令升史議歷詆諸家而獨歸美左傳云丘明能以三千卷之約括彙二百四十年之事斯蓋著作之良模也當春秋時諸侯大事見知於他國者或因殷道而方國或以同盟而始赴如秦燕之緣有

西北莫越之大者東南人罕通於上國故載其行事多有闕如且其書自宣成已前三紀而成一卷至襄昭已下數年而占一篇是知國阻隔者記載不詳年淺述者撰錄多備此丘明隨聞見而成傳何有故焉簡約者哉

春秋三傳之序

主父偃序春秋主父序長短縱橫術晚乃序春秋百家之言

壽王傳受春秋壽王詔使董仲舒傳受高材通明于定國李春秋于定國迎師李春秋身執經北面備弟子禮

文翁通春秋文翁少好李通春秋

雋不疑治春秋雋不疑治春秋為郡文李

馮奉世孝春秋奉世孝春秋涉大義

鍾興受春秋鍾興後丁公受嚴氏春秋

蓋文達明春秋蓋文達明春秋三家

春秋五始

王褒聖主得賢臣頌共惟春秋發五始之要在乎
審己正統而已注元者氣之始春秋四時之始王
者受命之始正月政教之始即位者一國之始

春秋書王

正次王王次春詔曰春秋為春每月書王重三正
謹三微也注三正者天地人之正三微者三正之
始萬物皆微故王道取法焉所書之王即平王也
春秋一書書王正月者十有三王二月者二十一
王三月者一十九無事有時亦冠以王之一字

春秋始隱公

社氏謂平王東周之始王隱公遜國之賢君

春秋候國之數

大數總百二十四國正國百十五附庸之國九爵
姓其者四十七國有姓無爵者十有八國有爵無
姓者一十七國爵姓皆無者三十三國盟者三十
四國亡國五十有二諸侯有謚者一十二國
會盟戰數

會凡一百有二大會四十四小會五十八盟三百
有八大盟六十小盟百四十八戰凡五十有八大
戰五次戰二十九小戰一十四

晉晉公九合諸侯

十五年會于戚會于城棣救陳也七年會于鄆

會于邢立會于戲王 十年會于相會于成鄭
十一年盟于亳北會于蕭魚

春秋釋例盟會圖長曆

杜預參攷衆家譜第謂之釋例虞摯賞之曰左丘
明本爲春秋作傳而左傳遂自孤行釋例本爲傳
設而所發明何但左傳預又作盟會圖春秋長曆
脩成一家之學此老乃成其長曆

春秋條例

晉劉寔爲孝尤精三傳辨正公羊以爲衛輅不應
辭以止父祭仲失爲臣之節又撰條例二十卷

春秋調人

晉劉兆嘗以春秋一經而三家殊塗諸儒之議是
非紛然乃思三家之異合而通之取周官調人之

義作春秋謂人亡萬餘言皆論其首尾便大義無
幸時有不合者取其長短以通之

春秋解詁

何休覃思不闕門十有七年作春秋解詁

春秋繁露

漢董仲舒作說春秋事得失今其書有楚莊王玉
杯竹林等五十六篇

竹書紀年

劉知幾子既以竹書記年序諸侯列會皆奉謚後
人追修非當時正之知齊人識子遂鄭棄其師皆
孔子新意師春一篇錄卜筮事與左傳合知按春
秋經傳而為也

春秋末論者十二

趙孟以無辭伐國貶號為人杞伯以夷礼來朝降
爵稱子虞班晉上惡貪賄而先書楚長晉盟誠無
信而後列此論人倫臧否直道而行奚為齊鄭楚
國有殺君各以疾遂皆書卒疾惡之情豈其若是
其所未論一也按齊荼野幕之弑事起陽生楚靈
乾谿之阨禍由常壽而春秋捐其首謀捨其親弑
反歸罪於乙比如是則和之闢者私憾射姑行欺
激怒傾瓶水以次庭俾廢然而爛卒奚不書弑其
所未論二也善惡必書則為實錄觀夫子修春秋
多為賢者諱狀實臧衛因威耻而不書河陽召王
成文美而稱狩書法如是豈不使人靡憚憲章其
所未論三也哀八年及十三年公子丹與吳盟而
皆不書威二年公及戎盟戎實射狼非戎侯類非

所諱而仍諱其未諭四也諸國臣子非卿不書必
以地來奔則雖淺亦志如陽虎盜入于讎擁陽關
而外叛傳具其事經獨無聞何哉未諭五也案諸
侯世嫡嗣業居喪既未成君不避其諱此春秋之
例也何為般野之沒皆書以名而惠祝之殂直曰
子卒其未諭六也君謂之弑卿士以上通謂之殺
又春秋之例按威二年宋督弑其君與夷及其大
夫孔父僖十年又曰晉里克弑其君卓及其大夫
荀息夫臣當為殺而稱及與君弑同科未諭七也
邦之為孔醜諱之可也如公書宋葬公與吳盟為
齊所止為邾所敗盟而不至會而後期並諱而不
書豈非煩碎之甚且按汲冢竹書其晉春秋及紀
之載事也如重耳出奔惠公見獲書其本國家無

所隱推魯春秋之紀其因也則未然未諭者八也
夫子之修春秋皆遵彼筆削習其訛謬凡所編次
不加改者矣何為其間則一褒一貶時有弛張或
公或革魯無是正未諭九也定六年書鄭滅詩以
許男斯歸而哀元年書許男與楚圍蔡天許既滅
矣而能重列諸侯奉兵圍國者何哉未諭十也案
虞自魯閔公以來通上國僖二年滅下陽 降斬
見於春秋蓋始命行人自達於魯也而瑣語晉春
秋載魯國閔公時 言之甚詳斯則聞事必書無
假相 當時國史他皆倣此至於夫子所修則不
然凡書異國皆取來告而闕之用使巨細不均繁
省失中未諭十一也君子以博聞多識為上良史
以實錄直書為貴而春秋記他國事以隱來者之

辭而求者所言多非其實或兵敗而不以敗告或
君弑而不以弑稱或秋葬而冬赴春崩而夏聞遂
使負偽莫分是非相亂未論十二也

春秋虛美者五

古者國有史官其列時事觀汲冢所記皆與魯史
符同如殺其大夫執我行人鄭棄其師隕石子宋
其三事並出竹書紀年唯鄭棄師出瑣語晉春秋
諸如此句多是古史全文則知天子所修但因其
成事就加彫飾仍舊而已知以史策有缺文時月
有失次皆存而不正而太史公云夫子為春秋筆
則筆削則削子夏之徒不能贊一辭其虛美一也
按宋襄公執滕子而誣之以罪楚靈王弑却教而
赴之以疾亡春秋皆承告而書魯無變革求諸勸

戒其義安在左丘明論春秋之義云或求名而不得或欲蓋而名彰善人勸焉其虛美二也春秋本以褒貶為主國語晉司馬侯對其君悼公曰以其善行以其惡戒可謂得義矣公曰孰能曰羊舌肸習於春秋至董狐書法而不隱南史執簡而累進又竇殖出君而卒自愛名在策書故知當時史臣各懷直筆自夫子之修春秋也他邦之纂弒其君有三本國之殺逐其君者七莫不缺而不錄而孟子曰孔子成春秋亂臣子懼無乃烏有之談歟虛美三也太史公曰孔子著春秋隱威之間則彰至定哀之際則微言其切當世之文而亡褒諱之辭也斯則危行言遜以免禍而孔子曰知我者其惟春秋乎其虛美四也秦趙穿弒君而稱宣子之

穀江乙亡布而稱令尹所盜此則春秋之世莫不
微琬其詞而班固云仲尼歿微言絕觀微言之作
豈獨宣父者其虛美五也

五傳

仲尼沒而微言絕故春秋分爲五丘明論本事而
作傳及末世口說流行故有公羊穀梁鄧郊之傳
四家之中公羊穀梁立於李宮鄧氏無師郊氏未
有書人執所見各不同也大子約魯史記而修春
秋因謂之魯史春秋李開五傳者謂各專己李以
相教授分經作傳凡有五家開則分也五傳者案
漢書藝文志云左氏傳王十卷左丘明魯太史也
公羊傳十一卷公羊子齊人名高穀梁傳十一卷
名赤魯人鄧氏傳十二卷夾氏傳十一卷

三傳摠論

漢胡毋生董仲舒之徒出而公羊興申公蔡千秋之季盛而穀梁起業左氏者又有賈護劉歆之屬故得並立季官三家異論接迹而出是非互有所私注釋之意多緣其流杜元顓則拘以赴皆何休則涉以識偽范甯雖務探經而博采諸說然未盡唐世啖趙陸淳亦精焉

三傳異同

汲冢書杜預以爲所說與左傳符同異於公羊穀梁則知此二書近世穿鑿非春秋本意審矣莊公二十八年書臧孫辰告余于齊左氏則曰禮也公羊則曰顓稱使以爲臧孫辰之私行也穀梁則以爲內歸也惟唐趙氏譏其爲故而無備得之矣莊公

八年書甲午治兵左氏則曰治兵于廟禮也公羊則曰祠兵焉久穀梁則曰治兵習戰雖之以善陳僖公三年書王正月不雨蓋春秋之義凡經待不雨告廟則書而左氏謂之不為灾公羊謂之記異穀梁曰勤雨也誤矣

三傳得失

三家言其長則事莫倫於左氏例莫明於公羊義莫精於穀梁以言其短則或失之誣或失之亂或失之鑿左氏載諸侯之事或詳或畧其尤詳者每出一師具例將佐或因廢興並奉六卿如子產晏嬰之流併其士族世家亦或詳倫而夢卜雜占小說諷誦綴橫滑稽之言無所不有其於叙事可謂繁矣然以辭勝於事則其解釋經意乃或滅裂公

穀二家隨經解釋事爲之說比附日月曲生條例
義有不合亦復強說踳駁不倫首尾予楮雖其釋
經密於左氏至其說之繁碎抑又過之蓋左氏之
說經少則其失亦少二傳之解經多則其失亦多
然則釋經之失少載事之得多左氏之孝不賢於
公穀乎光武時尚書令韓歆上疏歆立左氏博士
范升奏以左氏淺末不宜立且條左氏之失十四
事啖助愛公穀以左氏解義多謬此嗜公穀者則
指左氏之疵也范升奏左氏不可立而陳元詣闕
上書以言立明至賢親受孔子而公穀傳聞於後
世賈逵亦條上左氏長於三傳者三十餘事謂左
氏深於君父公羊多仕權變此喜左氏者則誠二
子之踳駁也左氏飽而富其失也誣穀梁清而婉

其失也短公羊辨而裁其失也俗若能富而不誑
清而不短裁而不俗則深於其道者也左氏公羊
以正月為周正惟穀梁子以為夏正然晉杜預作
長曆唐淳熙一行推步日食皆以為春秋用周正
此又不能無疑也威公十四年春無水成元年二
月無水襄公二十八年春無水經於春書無水左
氏公羊以為周正似亦有所合也然威公八年冬
十月雨雪果以為周正則雨雪於秋八月也穀梁子
之說似亦未可廢也

春秋左氏全綜

劉兆又為春秋左氏解名曰全綜公羊穀梁皆納
經傳書以別之

春秋釋疑

况觀合三傳為之解注撰春秋釋疑

春秋摠例

常表微病諸儒執一槩是非紛然著三傳摠例通理經趣

集傳例統

啖助考三家短長縫紉漏闕號集傳後攝其綱條為例統弟子趙匡與助之子異哀錄所為春秋集注摠例請趙匡損益陸質纂會之號集傳統例

墨守膏肓廢疾

初李育少習公羊春秋知名大學嘗讀左氏傳雖樂文采然不謂得聖人深意以謂前世陳元范升之徒更相非折而多引圖識不據理體於是作難左氏義四十一事建元初奉方正拜博士四年詔

與諸傳論五經於白虎觀有以公羊義難賈逵往
反皆有理證何休乃與其師羊弼追述李育之意
以難二傳故作公羊墨守左氏膏有穀梁廢疾
公羊

公羊子名高齊人也受經於子夏傳春秋者非一
其中多非常異議不經之論至使賈逵以謂公羊
可達左氏可具何氏之意以爲三科九旨是止一
物若摠而言謂之三科科者段也若折而言之謂
之九旨旨者意也公羊多任於權變公羊辭義清
雋斷決明審

穀梁

穀梁子名淑字元始魯人也一名赤受經於子夏
爲經作傳故曰穀梁傳於時則棲乎隱公茲因以

託始該二儀之化育贊人道之幽變本得失以彰
黜陟明成敗以存勸戒極顏網以繼三五鼓芳風
以扇游塵一字之康寵疏華表之贈片言之貶辱
過市朝之撻穀梁善於經

左氏三長

韓宣子見魯春秋曰周礼尽在魯矣吾乃今如周
公之德與周之所以王春秋之作始自姬旦成諸
仲尼丘明之傳知有筆削及發凡例皆得周典其
長一也按哀三年魯司鐸火南宮敬叔命周人出
御書之時魯文籍最備丘明躬為太史傳覽群書
如鄭書晉志之類凡此諸籍莫不畢觀每事皆詳
其長二也論語子曰左丘明耻之丘亦耻之以同
聖之才而膺授經之託上詢夫子下訪其徒凡所

采摭實廣見聞其長三也

左氏叙事

左氏之叙事也述行師則簿領盈視嚙胎涕騰論
備大則區分在目修飭峻整言勝捷則收獲都尽
記奔敗則披靡橫前申盟誓則慷慨有餘稱誦詐
則欺誣可見談思惠則溫如春日紀功烈則凜若
秋霜發吳邦則滋味無量陳亡國則淒涼可憫或
腴辭潤簡

美

禮記摠考

周官禮十二卷馬融撰

周官禮十二卷鄭玄注

周官禮十二卷王肅注

周官禮十二卷伊說注唐有十卷

周官禮十二卷于寶注

周官禮集注二千卷崔靈思

按漢有李氏傳周官以為周公所制官政之法
上於河間獻王獨闕冬官一篇獻王求以千金
不傳遂取方工記以補之至王莽時劉歆始置
博士以行於世河南緄氏及杜子春受業於歆
目以教授是後馬融作傳以授鄭玄玄作周官

注

周官義疏

沈重礼義疏四十卷 唐賈公彥礼疏五十卷

黃居俞周礼関官十二卷

周官論難

傅玄論評十二卷 孫畧礼駁難四卷 孫琦

問于寶駁虞喜撰駁難五卷 唐王玄度周礼

義決三卷

周官義類

維氏要鈔六卷 司馬伸寧朔新書八卷

分職四卷 李太白撰致太平論十卷

周官音

劉昌宗礼音三卷 王曉音訓三節異同辨

二卷

周官圖

隋經籍志禮圖十四卷

凡周官六種二十一部二百六十五卷

按漢曰周官江左曰周官禮唐曰周禮推本而言周官則是

儀禮

一字石經儀禮九卷隋志今字石經儀禮四

卷

儀禮注

鄭玄注十七卷王肅注十七卷袁準注一

卷孔論注一卷陳詮注一卷蔡超宗注

二卷田僧紹注二卷

按漢初有高堂生傳十七篇又有古經出於淹
中河間獻王得而獻之合五十六篇又得張直
兵法及明堂陰陽之記唯古經十七篇與高堂
生所傳不殊自高堂生至宣帝時后蒼最明其
業乃爲曲臺記蒼授梁人戴德及德從兄子聖
沛人慶普於是有大戴小戴慶氏三家並立是
知禮記出於儀禮三家出於高堂也

儀禮疏

義疏二卷

義疏六卷

唐賈公彥儀禮疏五

十卷

儀禮音

鄭玄音二卷

王肅音二卷

李軌劉昌宗

凡傳禮四種十五部一百十八卷

喪服傳注

馬融經傳一卷 鄭玄經傳一卷 王肅經傳

一卷 晉給事中袁準經傳一卷 雷次宗畧

注經傳一卷 陳銓經傳一卷 梁裴子野傳

一卷

喪服集注

晉孔倫集注經傳一卷 宋裴松之集注經傳

一卷 宋蔡超宗集注經傳二卷 齊田生紹

集注經傳二卷

喪服義疏

梁五經博士賀瑒義疏二卷 梁何休之經傳

義疏卷

沈文阿經傳義疏四卷 陳皇侃

文句義疏十卷

陳謝嶠喪服義十卷

義鈔

三卷

喪服記要

王肅記要一卷

蜀蔣琬記要一卷

賀循要

記十卷

齊光祿大夫王逸世行要記一卷

三氏喪服記十卷

齊太尉王儉古今集記三

卷

庾蔚之要記五卷

孟詵正要一卷

杜預要集二卷

嚴氏撰五要一卷

晉傅士

環濟要畧一卷

要畧一卷

徐氏制要一卷

義鈔三卷

王隆伯鈔一卷

戴德變除一卷

葛洪變除一卷

加減一卷

喪服問難

喪折卷要難一卷

卜氏傳教經傳一卷

喪服儀注一卷 要問一卷 皇侃問答目十

三卷 沈文阿發題二卷 論喪服決一卷

殷价極議一卷

喪服儀注

晉衛瓘喪服儀一卷 漢劉表新定喪禮一卷

晉廣陵相孔衍函禮一卷 陳雜儀注函禮禮

十三卷 鄭珣瑜函儀一卷 雜函禮四十二

卷 梁皇帝崩函儀十一卷 梁皇太子喪禮

五卷 梁王侯以下函禮九卷 士喪禮儀注

十四卷 梁天子喪禮七卷 又五卷

梁大行皇帝皇后崩儀注一卷

梁太子妃薨函儀注九卷 喪服假寧制三卷

梁諸侯世子卒函儀注九卷 梁陳大行皇帝

崩儀注八卷 陳王太子妃崩儀注四卷

陳諸帝后崩儀注五卷 陳皇太后崩儀注四

卷 唐葬王播儀一卷 北齊皇太后喪禮十

卷 張戡喪儀纂要九卷 治禮儀注九卷

車灌撰晉修復山陵故事五卷

喪服譜

鄭玄注譜一卷 晉蔡謨撰譜一卷 賀循譜

一卷 龐景昭服制一卷

喪服圖

王儉圖一卷 賀遊圖一卷 崔遠圖一卷

禮圖一卷 君臣圖一卷 崔游圖一卷

天子諸侯圖一卷

五服圖儀

五服畧創一卷 素憲喪禮五服七卷

度一卷 張薦卷亡五服圖 仲子陵服圖十

卷 五服志三卷 南齊五服志卷

法纂三卷 年月勅一卷 凡喪服九種八十

八部三百四十七卷

禮記

大戴禮記十三卷 漢信都王傳戴德撰

漢初河間獻王得仲尼弟子及後學者所記一

百三十篇獻之時亦無傳之者至劉向考校經

籍檢得百三十篇向因第而叙之又得明堂陰

陽記三十三篇孔子三朝記七篇王史氏記二

十有一篇樂記二十三篇凡五種合一百十四

篇戴德刪其煩重合而記之為八十五篇謂之

大戴記而戴聖又刪大戴之書偽四十六篇謂之小戴記漢末馬融遂傳小戴之季融又足月令一篇明堂位一篇樂記一篇合四十九篇鄭玄受於融為之注解後李惟傳鄭氏季故小戴礼行於世

禮記二十卷漢戴聖撰鄭玄注

禮記二十卷漢北中郎將盧植注

禮記十三卷王肅注 禮記三十卷魏孫炎注

禮記十三卷葉遵注隋志作業遵

禮記畧解十卷庾氏

戴聖為九江太守行治多不法何武為揚州刺史聖懼自免後為博士毀武於朝廷武聞之終不揚其惡而聖子貢客為盜繫廬江聖自以子

必死武平心洪之卒得不死自是聖懼服武每
奏事至京師聖未嘗不造門謝恩戴聖為孔家
之宗身為賊吏而子為賊徒可不監哉學者當
玩其言而已矣

禮記義疏

賀瑒新義疏二十卷 皇侃義疏九十九卷

皇侃譜疏四十八卷 沈重義疏四十卷

義疏三十八卷 熊安生義疏四十卷

佟之禮記義疏十卷 梁武帝大義十卷 書學

士褚暉撰文外大義三卷 鄭小同義記四卷

孔穎達等正義七十卷 唐賈公彥正義八十

卷 王左慶正義十卷 小疏二十卷

李文叔精義十六卷 成伯璵撰張幼倫注外

傳四卷 礼畧二卷

禮記書欽

司馬仲撰王懋約注寧朔新書二十卷 綬氏
要欽十卷 魏徵次礼記二十卷

禮記評論

劉雋礼記評十卷 王玄感繩愆三十卷

劉芳義證十卷 評要十五卷

禮記名數

名數要記三卷 名義十卷 外傳名數二卷

含文三卷

禮記音義

謝慈音義隱二卷 音義隱七卷 徐爰礼記

音三卷 徐邈礼記音三卷 曹耽礼記音三

卷 李執礼記音二卷 尹毅礼記音二卷

礼記字例異同一卷

禮記中庸

戴顒中庸傳二卷 梁武帝中庸譜疏一卷

荆旨中庸五卷 胡瑗中庸傳一卷

禮記識緯

鄭玄注礼緯三卷 宋均注默房二卷

凡礼記九種四十九部八百一十八卷

月令

戴德撰夏小正一卷 漢蔡邕撰月令章句十

二卷 戴顒撰月令章句十二卷 御刊定礼

記月令一卷 月令疏二卷 周書月令一卷

續月令

崔寔四民月令一卷 孫思邈撰失一卷 孫

氏千金月令三卷 林甫撰月令并時訓詩一

卷 復月令奏議一卷 杜仲連撰月令詩一

卷 裴澄乘輿月令十二卷 十二月纂要一

卷 任婉撰十二月鑑一卷 纂要月令 保

生月錄一卷 帝行規撰 崇文總目齊民月令

一卷 譚融曰書三卷

時令

丁度修國朝時令一卷 賈昌朝重定國朝時

令六卷 劉安靖時鑑新書五卷 李彤撰四

序總要四卷 韓郭撰四時纂要五卷 薛登

四時記二十卷 王氏四時錄十二卷 李彤

撰四時總要十二卷 續時令故事一卷

梁宗慤撰杜公贍注荆楚歲時記二卷 杜臺

卿撰玉燭寶典十二卷 楚苑寶錄一卷 唐

李邕撰金谷園記一卷 李綽撰秦中歲時記

一卷 韓鄂撰歲華紀麗二卷 徐鉉撰歲時

廣記一百十二卷 歲中記一卷

歲時雜錄二十卷 元月令四種三十七部二

百七十四卷

會禮

禮論鈔

戴聖石渠禮論四卷 宋御史中丞何承天禮

論三百卷 任預禮論條牒十卷 任預禮論

帖三卷 庾蔚之禮論鈔二十卷 王儉禮論

要帖十卷 賀瑒禮論要欽一百卷 按唐志

有六十六卷 禮論欽六十九卷 禮論要欽

十卷 李敬玄禮論六十卷 禮論欽二十卷

荀萬秋禮雜欽畧二卷 賀述禮純十二卷

禮論要欽十三卷 禮區分十卷 禮論欽畧

十三卷 杜肅禮畧十卷 張頻禮粹二十卷

丁公著禮志十卷 禮類聚十卷 陸質類禮

二十卷 元行冲類禮義疏五十卷

會禮問難

宋徐廣禮論答問八卷 徐廣禮論答問十三

卷 徐廣禮答問二卷 庾蔚之禮答問六卷

王儉禮答問三卷 范甯禮雜問十卷 范甯

禮論答問九卷 何休之禮答問十卷 何休

之禮雜問卷鈔一卷 董勳問禮俗十卷 董
子弘問禮俗九卷 杜預問答雜儀二卷 王
儉禮義答問八卷 梁護軍周捨禮疑義五十
二卷 何隆禮義一卷 戚壽雜禮義問答四
卷

三禮

鄭玄撰目錄一卷 崔靈恩撰義宗三十卷
元延明宗畧二十卷 大義十三卷 大義四
卷 雜大義三卷

禮圖

鄭玄及漢阮譔等撰三禮圖九卷 張鎰圖九
卷 夏侯伏朗圖十二卷 聶宗義集圖二十
卷 和譔撰周室王城明堂宗廟圖一卷 阮

逸王制井田圖一卷 徐希文王制井田圖一

卷陳祥道禮書一百五十卷 唐禮圖等雜書

五十六卷 宣和博古圖六十卷 凡會禮四

種五十四部一千三百十四卷

義注

禮儀

衛宏漢舊儀四卷 蔡邕獨斷二卷 徐廣晉

尚書儀曹新定儀注四十一卷 晉儀注三十

九卷 晉安成太守傅瑗新定儀注四十卷

晉尚書儀曹事九卷 江左撰甲辰儀五卷

晉雜儀注二十一卷 宋尚書儀注三十六卷

宋儀注二卷 宋尚書雜注十八卷 嚴植之

南齊儀注二十八卷 沈約梁儀注十卷

梁尚書儀曹儀注十八卷 又二十卷 雜儀

注一百八十卷 陳雜儀注六卷 陳尚書雜

儀注五百五十卷 常景後魏儀注五十卷

後齊儀注二百九十卷 雜儀注一百卷 鮑

泉新義三十卷 何點札儀注九卷 王逸齊

典四卷 王景之要典三十九卷 要典雜事

五十卷 丘仲孚皇典五卷 常叔夏五礼要

記三十卷 隋儀注目錄四卷 王慤中礼儀

注八卷 牛弘潘徽隋注都集礼一百二十卷

大唐儀礼一百卷 永徽王礼一百三十卷

蕭嵩等開元礼一百五十卷 蕭嵩開元礼儀

鑑一百卷 開元礼京兆義羅十卷 開元礼

類釋二十卷 開元礼目錄一卷 開元礼百

問二卷 常渠年貞元新集問元後禮二十卷
柳郢唐禮纂要六卷 常公肅禮閣新儀二十
卷 王彥威元和曲臺禮三十卷 續曲臺禮
三十卷 竇氏吉凶禮要二十卷 李宏澤直
禮一卷 王方慶古今儀集五十卷 開寶通
禮二百卷 通禮目錄三卷 開寶通禮義纂
一百卷 義纂目錄一卷 王皞禮閣新編六
十卷 卷亡 禮院雜錄 賈昌朝等太常新禮
四十卷 魏鄭公類儀一卷 五禮新儀二百
四十卷 歷代創制儀五卷 摯虞法疑要注
一卷 顏真卿禮樂集十卷

吉禮

晉祠書儀曹吉禮儀注三卷 明山賓等梁吉

禮十八卷 梁吉禮儀注四卷 梁吉禮儀注

十卷 陳吉禮百七十卷 陳雜吉儀注三十

卷 高穎隋吉禮五十四卷 王儉吉書儀二

卷 祭典二卷 盧謨雜制注六卷 盧辨祀

典五卷 劉智太清宮祠三卷 賀幸昭慶宮

儀注一卷

賓禮

賀瑒梁賓禮一卷 賀瑒梁賓禮儀注十三卷

陳賓禮六十五卷 張彥陳賓禮儀注六卷

軍禮

陸璣梁軍禮四卷 陳軍禮六卷

嘉禮

司馬聚梁嘉禮三十五卷 嘉禮儀注四十五

卷 陳嘉禮一百二卷 冠昏儀四卷

封禪

古封禪群祀二十二篇 封禪議對十九篇

漢封禪群祀三十六篇 封禪儀六卷 常述

東封記一卷 孟利貞封禪錄十卷 令狐德

榮皇帝封禪儀六卷 裴守貞神岳封禪儀注

十卷 丁謂修等祥符封禪記五十二卷

汾陰

丁謂等修祥符祀汾陰記五十二卷 汾陰后

土故事三卷

明堂郊祀社稷釋奠風雨師儀注 孔晁等晉明

堂郊社儀三卷 張大頌明堂儀一卷 姚璿

等儀注三卷 郭山禪大享明堂儀注二卷

李襲譽明堂序一卷 李嗣真明堂新禮十卷

明堂記紀要二卷 文彥博皇祐大享明堂記

二十卷 文彥博皇祐大享明堂記紀要二卷

駕幸玉清昭應宮儀注一卷 魏氏郊丘三卷

南郊記圖一卷 王涇大唐郊祀錄十卷 梁

南郊儀注一卷 梁祭地祇陰陽注二卷 南

郊圖一卷 王欽若天禧大禮記五十卷 元

豐釋奠祭杜稷風雨師儀注三卷 諸州縣祭

杜稷儀一卷 紀風雨雷師儀注一卷 釋奠

儀注一卷 祈雨雪法一卷 楊全等郊廟奉

祀禮文三十卷

陵廟制

蔡謨晉七廟議三卷 親享大廟儀注三卷

裴謹卷亡崇豐二陵集礼 永昭陵儀式一卷

四季祠祭文一卷 梁隱列國祖廟式一卷

王方慶三品官附廟礼二卷 景靈宮須知一

卷 仁宗山陵須知一卷

家礼祭儀

唐徐潤家祭儀一卷 孟詵家祭礼一卷 唐

范傳式寢堂時享儀一卷 唐鄭正則祠享儀

一卷 唐周元陽祭錄一卷 唐賈頊家薦儀

一卷 盧宏宣家祭儀卷亡 唐孫日用孫氏

仲享儀一卷 徐爰家儀一卷 崔浩婚儀祭

儀二卷

東宮儀注

張敞撰晉東宮舊事一卷 蕭子雲東宮新記

二十卷 張鑑宋東宮儀記二十三卷 蕭子

雲東宮雜事二十卷 宇文愷等東宮典記七

十卷 隋皇儲事二卷 國親皇太子序親薄

一卷 皇太子方岳亞獻儀二卷 宋朝王純

臣撰青宮懿典十五卷

王后儀

王后儀範三卷 偽蜀王衍撰坤儀令一卷

諸王國州縣儀注

諸王國雜儀注十卷 范汪雜府邸儀十卷

李淑等縣令礼上儀一卷

礼會朝儀

武后紫宸礼要十卷 陳彭年修閣門儀制十

卷 李淑等景祐閣門儀制十二卷 梁顥閣

門儀制六卷 宋元二年閣門儀制十二卷

宋綬修內東門儀制五卷 熙寧閣門儀制十卷

正旦朝會儀注十卷 至道合班儀并追封條

一卷 朝堂須至一卷 奉朝要課一卷 宋

咸撰朝制要覽十五卷

耕籍儀

雍熙籍田故事二卷 耕籍田儀制五卷

恭謝田儀注三卷 州縣打春牛儀一卷

車服

魏博士董巴太漢輿服志一卷 徐廣車服雜

注一卷 王逸之禮儀度制十三卷 梁周暹

撰古今輿服雜事二十卷 蕭子雲古今輿服

雜事二十卷 陳鹵簿儀二卷 陳鹵簿圖一

卷 晉鹵簿圖一卷 齊鹵簿儀一卷 大駕
鹵簿一卷 王欽若鹵簿圖三卷 宋鼓鹵簿
圖記十卷 內衣庫湏知一卷 隋諸衛左右
廂旗圖樣十五卷 染院湏知一卷 劉孝孫
二儀實錄一卷 袁郊二儀實錄衣服名義圖
一卷 袁郊服飾變古元錄三卷 裴蒞內外
親族五服儀二卷 北蕃冠帽巾髻髻信度一卷
國譜

徐令言玉璽正錄一卷 無名氏著秦玉璽相
傳至肅宗時國寶傳一卷 秦傳玉璽譜一卷
玉璽雜記一卷 嚴士元國璽記一卷 續國
璽記一卷

謝玄內外書儀四卷 謝超書儀二卷 謝朓

書華儀二十一卷 宋長沙檀太妃薨弔荅書

十二卷 王儉弔荅書儀十卷 周捨書儀疏

一卷 鮑行卿皇室書儀十三卷 王儉吉書

儀二卷 梁脩端文儀二卷 唐謹書儀十卷

言論儀十卷 唐謹婦人書儀八卷 釋曇瑗

僧家書儀五卷 謝允書儀二卷 童悟十三

卷 裴矩虞世南大唐書儀十卷 裴蒞書儀

三卷 鄭餘慶書儀二卷 裴度書儀二卷

杜有晉書儀二卷 劉岳新定書儀二卷 胡

先生書儀二卷 凡禮儀注十二種二百十六

部四千五百六十一卷七十七篇

礼古經五十六卷

劉歆欲立逸禮授書曰魯恭王得古文於壞壁
逸禮有三十九儀禮疏曰高堂生傳十七篇是
今文也孔子定得古儀禮五十六篇其字皆篆
書是古今文也古文十七篇與高堂生所傳皆
同而字多不同餘三十九篇絕無師說秘在於
館今其篇名頗見於他書若季禮天子巡狩禮
朝貢禮朝事儀烝嘗禮中霽禮王居明堂禮古
大明堂禮昭穆篇本命篇聘禮志又有奔喪授
壺遷廟鬯廟曲禮少儀內則弟子耿諸篇見大
戴記及管子

記百三十一篇

隋志云河間獻王得仲尼弟子及後學者所記
一百三十一篇獻之今逸篇之名可見者有三

正記別名親屬記明堂記曾子記禮運記五帝
記王度記霸記瑞金記辯名記孔子三朝記月
令記大孝志雜記正義云案別錄王度記云似
齊宣王時淳于髡等所說也

明堂陰陽三十三篇

隋牛弘曰案劉向別錄及馬宮蔡邕等所見當
時有古文明堂礼王居明堂圖明堂大圖明堂
陰陽泰山通義魏文侯孝經傳等並說古明堂
之事其書皆亡唐會要引礼記明堂陰陽錄牛
弘亦引明堂陰陽錄今礼記月令於別錄中屬
明堂陰陽記故謂之明堂月令說文引明堂月

令

王史氏二十一篇

隋志河間獻王得記一百三十一篇劉向檢得
一百三十篇第而叙之又得明堂陰陽記三十
三篇孔子三朝記七篇王氏史氏記二十一篇
樂記二十三篇此五種合二百十四篇

大戴禮 小戴禮

二戴皆傳儀禮十七篇次第自冠昏士相見已
下大小戴先後不同唯劉向別錄大射以上七
篇與小戴同其下尊卑吉凶次第倫叙鄭氏用
之禮記所以釋儀禮之義也陳郡周禮論叙云
戴德刪古禮二百四篇為八十五篇謂之大戴
禮戴聖刪大戴記為四十九篇是為小戴禮後
漢馬融虛植摛諸家同異附戴聖篇章去其繁
重及所缺畧而行於世即今禮記是也今大戴

礼十三卷總四十篇始三十九終八十一篇為四
十三篇中間缺者四篇重出者一篇其上不見
者猶三十八篇不能合八十五篇之豈但當為
八十一耶其缺者或既逸其不見者抑聖所取
者然哀公問提壺二篇與小戴書無異礼察篇
與經解亦同曾子大孝篇與察義相似則聖已
取之篇豈其文無所刪者也勸孝礼三本見荀
卿子取舍之說及保傳見賈誼疏聞與經子同
者尚多有之隋志載聖刪大戴之書為四十六
篇馬融足月令一篇明堂位一篇樂記一篇合
四十九篇

中庸說二篇

孔子之孫子思伋作中庸程氏曰中庸之書是

孔門傳授成於子思傳於孟子白虎通謂之禮中庸記孔叢子云子思年十六撰中庸之書四十九篇東萊呂氏曰未冠旣非著書之時而中庸之書亦不有四十九篇也此蓋戰國流傳之妄

周官經六篇

河間獻王得周官有李氏得而上於獻王獨缺冬官取考工記補之合成六篇札疏云孝文時求得此書不見冬官一篇乃使博士作考工記補之謂孝文時非也五峯胡氏曰司徒掌邦上冬官未嘗闕也乃劉歆妄以冬官事屬之地官俞廷春取其說為周禮復古編謂司空之篇雜出五官之屬且因司空之復而六官之譌誤亦

遂可以類考程氏曰冬官之屬才二十八而五
官各有羨數考冢宰云屬各六十今天官六十
三地官七十八春官七十夏官六十九秋官六
十六蓋漸簡失次名實散亡取羨數凡百工之
事歸之冬官其數乃周賈氏疏曰劉向未校之
前或在山巖石室有古文考校後為今文古今
不同鄭氏據今文注朱文公以為廣大稽璽周
家之法度在焉馬融云成帝命劉歆考理祕書
始得列序著于錄略知其周公致太平之迹永
平初杜子春年且九十能通其讀鄭衆賈逵往
受業焉鄭康成序云鄭少贛仲師衛次仲賈景
伯馬季長皆作周禮解詁說文引任剡地埵
五帝於四郊廟門容大霽七簡孤秉夏剌赤牀

氏燦牙外不燦與今字異

周官傳四篇

詩正義漢初為傳訓者皆與經別行及馬融為周礼注乃云欲省字者兩讀故具載本文然則後漢以來始就經為注

古封禪群祀三十二篇

梁許懋曰燧人之前世質民淳安得泥金撿玉結繩而治安得鐫文告成胡氏曰攷舜典可以知後世封禪之失稽懋言可以知史遷著書之謬文忠子曰封禪之費非古也徒以夸天下其秦漢之侈心手孫氏曰帝王廵守每至方嶽必燔柴以告至非謂自陳功於天也

議奏三十八篇

論石渠者戴聖常玄成文人通漢隋志石渠
論四卷戴聖撰後漢禮儀典服志注王制疏詩
疏並引石渠論通典引石渠禮儀甘露三年三
月黃門侍郎臨奏經曰卿射合樂大射不何也
戴聖曰卿射合樂者質也大射人君之禮儀多
故不合樂也聞人通漢曰卿射合樂所以和百
姓也大射不合樂者諸侯之禮也常玄成曰卿
人本無樂故合樂所以和百姓而同其意諸侯
當有樂故不曰合樂時公卿以玄成議是

王制

史記封禪書文帝使博士諸生刺六經中作王
制索隱劉向七錄云文帝所造書有本制矣制
服制篇白虎通引礼王制曰天子棺槨九重今

禮記王制篇蓋其畧也

漢儀

肅宗章和元年正月召曹褒詣嘉德門令小黄
門持班固所上叔孫通漢儀十一篇教褒曰此
制畧畧多不合經然十二篇不著于七畧蓋與
律令同錄藏於理官法家禮記正議云許氏謹
案高祖時皇太子納妃叔孫通制禮以為天子
無親迎南史沈氏阿云叔孫定禮尤失前畧奠
贊不珪致享無帛公王同璧鴻臚奏賀若此數
事未聞於古三札注疏所引漢禮畧制度通所
作也儀禮卿射疏引漢禮云五武成步步六尺
周禮小祝注杜子春云漢儀每街路輒祭禮記
祭法疏案漢儀高帝廟主九寸前方後圓圓一

尺

凡礼十三家

六藝論云傳礼者十三家唯高堂生及五傳弟子戴德戴聖名在也文選注七畧曰礼家先魯有桓生說經頗異

礼經三百威儀三千

礼器曰經礼三百曲礼三千注經礼謂周礼也周礼六篇其官有三百六十曲由事也事礼謂今礼也礼篇多亡本数未聞其中事儀三千中庸曰礼儀三百威儀三千礼樂志與此志同朱文公曰臣瓚曰礼經謂冠昏吉凶益以儀礼爲經礼也葉夢得曰經礼制之几曲礼文之自先王之後二者蓋皆有書藏於有司祭祀朝覲會

同與大史輔之以滋事小史讀之以喻衆而鄉
大夫受之以教萬民保氏掌之以教國子者亦
此書也禮篇之名禮器為勝諸儒之說瓚葉為
長儒林王式傳歌驪駒江翁曰經何以言之式
曰在曲禮注逸詩見大戴禮其辭云驪駒在門
僕夫具存驪駒在路僕夫整駕朱文公曰曲禮
戴氏編時已亡逸故時因其首章之幸存者而
雜取諸書所引與他記相似者以補續之

學七十篇文相似多三十九篇

劉原父云李當作典七十當作七十五十六卷
除十七正多三十九朱文公曰疏云古文十七
篇與高堂生所傳相似是唐初時漢志猶未誤
也

推士禮而致於天子之說

朱文公曰士禮特畧舉首篇以名之其曰推而致於天子者蓋專指冠昏喪祭而言若燕射朝聘則士豈有是禮而可推耶又曰儀禮乃本經而禮記郊特牲冠義等篇乃其義疏

儀禮注十七卷

韓文公讀儀禮余嘗苦儀禮難讀且又行於今者蓋寡公襲不同復之無由考於今誠無所用云然文王周公之法制具在於是孔子曰吾從周謂其文章之盛也古書之存者希矣百氏雜家尚有可取况聖人之制度耶於是撮其大要奇辭與旨著于篇季者可觀焉惜吾不及其時

儀禮五十卷

晁氏曰唐賈公彥撰齊黃慶隋李孟哲各有疏
義公考刪二疏為此書國朝嘗詔刊焉是正之
古禮十七卷釋誤三卷

陳氏曰宋嘉張淳忠甫所校乾道中太守章貢
曾逮仲躬刻之首有目錄一卷戴大小戴劉向
篇第異同以古監本巾箱本抗細本嚴本校定
識其誤而為之序其高堂生所傳士禮爾今此
書兼有天子諸侯卿大夫禮決非高堂所傳其
篇數偶同自陸德明賈公彥皆去然不知何所
據也

古禮經傳通解二十三卷集傳集注十四卷

陳氏曰朱熹撰以古七十篇為主而取小大戴

及它書傳所載繫於礼者附入之二十三卷已
成書缺書數篇其十四卷草定未刪改曰集傳
集注云者蓋此書初名也其子在刻之南康一
切仍其舊云

古礼經傳續通解三十九卷

陳氏曰外府丞長樂黃榦宜鄉撰榦晦庵之壻
號勉齋始晦庵著礼書喪祭二礼末及論次以
屬榦續成之

集釋古礼十七卷釋宮一卷綱目一卷

陳氏曰廬陵李如圭寶之撰紹興癸丑進士嘗
為福建撫榦釋宮者經所載堂室門庭今人所
不曉者一一釋之

晁氏曰鄭玄注武帝時河間獻王開獻書之路
得周官有五篇失冬官一篇乃募以千金不得
取攷工記以補其闕至孝成時劉歆校理秘書
始得序列于錄畧為群儒排弃獨以為周
公致太平之跡永平時杜子春初能通其讀鄭
衆鄭興亦嘗傳受言皆引之以叁釋異同云

周礼疏十二卷

晁氏曰唐賈公彥撰公彥沼州人永徽中仕至
大學博士史稱著此書四十卷今併為十二卷
世稱其發揮鄭學最為詳明

石經周礼十二卷

晁氏曰偽蜀孫朋古書以監本是正其注或羨
或脫或不同至千數

新經周禮義二十二卷

晁氏曰皇朝王安石介甫撰熙寧中設經義局
介甫自為周官義十餘萬官不解攷工記按秦
火之後周禮比他經最後出論者不一獨劉歆
稱為周公致太平之迹鄭氏則曰周公廢辟後
以此授成王使居維維邑治天下林孝存謂之黷
亂不驗之書何休亦云六國陰謀之說昔此宮
錡問孟子周室爵祿之法孟子以謂諸侯惡其
害己滅去其籍則自孟子時已無周禮矣况經
秦火乎孝存休非之良有以也不知劉鄭何所
擬而言然又自違異不同王莽嘗取而行之歛
財取貨瀆祀煩民冗碎詭異離去人情遠甚施
於文則可觀藉於事則難行凡莽之制致大亂

者皆以此厥後唯蘇紳王道善之諸傳未嘗有
言者至於介甫以其書理 老君半愛之如行
青 之類皆稽然所以自釋其義者蓋以其所
創新法盡傳著之務塞異議者之口後其黨蔡
卞蔡京紹述介甫期盡行之園上方用皆是也
周姬姓故其女曰王姬其臣如宋齊之女亦不
曰姬而各氏其姓曰姜氏曰子氏趙嬴姓京乃
令帝文稱帝姬噫至於姓亦從焉何其甚也久
之禍難並起與莽曾無少異殆書所謂與乂同
事者邪

陳君舉周禮說三卷

陳氏曰其書曰格君心正朝綱均國勢各四篇
周禮井田譜二十卷

陳氏曰進士會稽夏休撰紹興時表上之淳熙
中接鑰刻之永嘉止齊陳氏序曰夏君休所著
井田譜亦有志矣鄭氏井邑若畫棋然蓋祖王
制王制雜出漢文帝時以海內畫為九州州必
方千里千里必為國二百一十其後班固食貨
志亦謂井方一里八家各私田百畝公田十畝
是為八百八十畝為廬舍蓋人二畝半云凡若
此夏君皆不取漢以來諸儒解或知之者其說
畿內廣成萬步謂之都未成都謂鄙雖不能
鄙即成縣者與之後為縣成甸者與之為甸至
一丘一邑盡然以其不能成都成鄙故謂之問
田以其不可為軍為師而無所專故謂之間民

月之礼書亦詳博陳氏謂陸氏知後世礼樂全不足取但諸儒儀礼頗有好處此不可廢當別類作一書六朝人多精於此必竟黨時此李自

專門名家朝廷有礼事使用此等人議之鄭康成是箇好人考礼名数有大功王肅議礼必反鄭玄

礼記正義七十卷

朱子語錄問礼記古注外無以加否荅曰鄭注自好看注疏目可了

唐月令一卷

晁氏曰唐明皇則定李林甫等注序謂吕氏定以孟春日在營室不知氣逐閏移節遂斗建於是重有剛定李林甫同陳希烈等八人為之解

國朝景祐初改從舊文由是別行

芸閣禮記解十六卷

孔氏曰呂大臨與叔師事程正叔禮孝甚精傳中庸大學尤所致意也

方慤禮記解二十卷

朱子語錄曰方馬二解合當參攷儘有說符好處不可以其新李而黜之

大學章句或問中庸章句或問各三卷

朱子語錄曰大學一書有正經有或問有朱子去只看注解便了久之又只看正經便了又久之自有一部大學在我膏中而正經亦不用矣然不用某多工夫亦看某底不出

廣志卷之六百七十三

人道禮典

孝經類

大孝者天之經地之義人之行自天子達於庶人雖尊卑有差及乎行孝其義一也孔子既序六經題目不同指意差別恐斯道離散故作孝經以總會之明其枝派雖分本萌於孝者也遭秦焚書爲河間人顏芝所藏漢初芝子貞出之凡十八章而長孫氏博士江翁少府后倉諫議大夫翼奉安昌侯張禹皆名其學又有古文孝經與古文尚書同出而長孫有闕門一章其餘經文大較相似篇簡缺解又有衍出三章并前合爲十二章孔安國爲之傳至劉向與校經籍

以顏本比古文除其繁覈以十八章為定鄭眾
馬融並為之注又有鄭氏注相傳或云鄭玄其
立義與玄所註餘書不同故疑之梁代安國及
鄭氏二家並立國學而安國之本亡於梁亂陳
及周齊唯傳鄭氏至隋王劭於京師訪得孔傳
送至河間劉炫炫因序其得長述其議疏講于
人間漸聞朝廷後遂著令與鄭氏並立儒者誼
誼皆云炫自作之非孔舊本而祕府又先無其
書又云魏氏遷洛未達華譚孝文帝命侯伏侯
可悉陵以夷言譯孝經之旨教于國人謂之國
語孝經今取以附此篇之末

出隋志

說齊孝經序云孔子為曾參言孝道門人錄之
為書謂之孝經更秦滅學漢河間獻王之顏芝

家凡十八章古文孔子一篇二十二章本出屋
壁流向校書定著十八章至於唐諸儒說者且
百家孝明皇帝詔諸儒集議劉知幾詆鄭注指
行孔傳司馬正非之力申鄭說帝乃采集六家
自為之注頒之天下以十八章為定元行冲為
之疏本朝邢昺增損之力王羲訓詁證引詳矣
先正司馬公范公皆為古文指解所發明益以
通暢夫孝百行之本學者所當先聖人之言簡
嚴易直而天人倫固非一家所能究其說故拾
諸儒遺意相與講貫務通理而不飾文學者以
筌蹄觀之庶幾不悖先聖人之意
正義云按孝經遭秦坑焚之後為河間顏芝所
藏初除挾書之律芝子真始出之長孫氏及江

翁后蒼翌奉張禹等所說皆十八章及魯共王

懷孔子定得古文二十二章成八章分為二曹子秋問章中為三人多國門一章

孔安國作傳劉向校經籍比量二本除其煩惑

以十八章為定而不列名又有荀朂集其錄反

諸家號並無章名而援神契自天子至庶人九

章唯皇侃標其目而冠於章首今鄭注見章名

豈先有改除近人追遠而為之也御注依古今

集評議儒官連狀題其章名乞加商量遂依所

請

曾參字子與孔子以為能通孝道故受之業作

孝經史弟子傳

至於迹相祖述殆且百家常昭王肅先儒之領

袖虞翻劉劭抑又次焉劉炫明安國之本陸澄

譏康成之注 去宗序

何休注訓孝經論語皆經緯典謨本傳

孝文皇帝欲廣遊學之路論語孝經孟子爾雅
皆置博士

明帝自期門羽林之志悉通孝經章句 後儒林序

正觀十四年太宗觀釋奠於國子學詔孔穎達

講孝經 禮樂志

天寶三載大赦詔天下家藏孝經唐元宗紀

論語類

論語者孔子弟子所錄孔子既敎六經講於洙
泗之上門徒三千達者七十其與夫子應答及
私相講肄言合於道或書之於紳或事之無厭
仲尼既改遂緝而論之謂之論語漢初有齊魯

之說張禹本授魯論晚講齊論後遂合而考之
刪其煩惑除去齊論問王之道二篇從魯論二
十篇為定號張侯論帝世重之周氏包氏為之
章句焉然又為之訓又古論語與古文尚書又
同出章句煩省與魯論不異唯分子張為二篇
故有二十一篇孔安國為之傳漢末鄭玄以張
侯論為本參考齊論古論而為之注魏陳群王
肅周生烈皆為義說何晏又為集解是後諸儒
多為之注齊論遂亡古論先無師說梁陳之時
唯鄭玄何晏立於國李先鄭氏甚微周齊鄭李
獨至隋何鄭並行鄭氏盛於人間其孔叢家語
並孔氏所傳仲尼之旨爾雅諸書解古今之意
并五經總義附于此篇

論語者孔子應答弟子時人及弟子相與言而接聞於夫子之語也當時弟子各有所記夫子既卒門人相與輯而論纂故謂之論語藝文志序曰漢中壘校尉劉向言魯論語二十篇皆孔子弟子記諸善言也

仲弓子游等撰定論者綸也以此書可以經綸世務故曰綸也圓轉無窮故曰輪也蘊含萬理故曰理也篇章有序故曰次也群賢集定故曰撰定也鄭元疏

論語者五經之轄轄六藝之喉衿也孟子之書則而象之

魯論語者魯人所傳即今所行篇次是也樊齊夏侯勝常賢及子元成魯扶卿夏侯勝蕭望之

並傳之各自名家

齊論語者齊人所傳別有問王之道二篇凡二十一篇其二十篇中章句頗多於魯論王吉宋
時王卿貢山丘鹿充宗王生並傳之王吉名家
古論語者自出孔氏壁中凡二十一章有兩子
張篇次不與齊魯同孔安國為傳後漢馬融亦
注之

張魯受魯論於夏侯湛又從庸生王吉受齊論
擇善而從鄧曰張侯論最後行漢世禹以論授
成帝後漢包咸周氏並為章句列于孝官鄭元
注本就魯論張包周之篇考之齊古為之注焉
何晏集孔安國包咸周氏馬融鄭元陳郡王肅
周生烈之說為集解正始中盛行於世王義

孝文皇帝欲廣遵孝之路論語孝經孟子爾雅
皆置博士

平帝詔召天下通知論語教授在所為爲一封
輶傳遺詣京師本紀

王通隋末天儒聚徒河汾間倣古作六經又爲
中說以擬論語不爲諸儒稱道故書不顯惟中
說獨傳王績傳

或曰儒者稱論語孔子弟子所記信乎曰樂正
子春子思之徒相與爲之爾當時孔子弟子雜
記其言然卒成其書者曾氏之徒也論語下正

孟子類

孟子名軻子思弟子有列傳師古曰聖論語云
軻字子車此志無字未詳其所得出義云文志

魯公族孟孫之後師孔子之孫子思著書七篇
遭蒼姬之訖錄值炎劉之末奮進不得佐吳唐
虞雍熙之和退不能信三代之餘風恥沒世而
無聞焉是故垂憲言以貽後人於是而退論集
所與高弟弟子公孫丑萬章之徒難疑答問又
自撰其法度之言著書七篇二百六十一章三
萬四千六百八十五字包羅天地揆叙萬類可
謂亞聖命世之大才也又有外書四篇性善下
文說孝經為正其文不能洪深不與內篇相與
似非孟子本真後世依倣而託之者也

孟子既沒公丑丑萬章之徒撰次難疑答問成
書七篇後漢趙岐為章句折為十四篇唐林謹
思以弟子記軻之言不能盡其意故演而續之

作續孟子二卷本朝馮休謂孟子有可疑者或
門人所增蓋乃作刪孟一卷司馬公有疑孟

孟子之書亦不必論其文之如何是直萬章公
孫丑之徒所次耳何有於孟子哉足下試以唐
陸善經孟子對今孫宣公所校定孟子斷可見
其文之異同也

是以通各賈子莊書

韓愈以為弟子所

會集非軻自作今致之則知愈言非妄也其書
孟子所見諸侯名謚如齊宣王梁惠王梁襄王
滕定公滕文公魯平公是也夫死然後有謚軻
著書時所見諸侯不應皆死故予以愈言為然

是氏

太史公曰余讀孟子書至梁惠王問何以利吾
國未嘗不廢書而嘆也孟子受業子思之門人

道旣通游事齊宣王宣王不能用適梁梁惠王
不果所言則見以爲迂遠而闕於事情軻乃
述唐虞三代之德以所好者不合退而與萬章
之徒存詩書述仲尼之意作孟子之書孟子列傳
始吾讀孟軻書然後知孔子之道尊聖人之道
易行尊聖人之道者孟氏而已晚得楊雄書益
尊信孟氏其存而醇者孟軻氏而止爾孟氏醇
乎醇讀奇篇

孟軻好辯孔道以明報環天下卒老于行吐辭
爲經舉足爲法絕類離倫獲入聖域世學解

諸子百家

自太史談爲六家要指之論而劉歆新奏七畧
有輯畧六藝諸子詩賦兵書術數方伎之目班

國作漢藝文志以爲諸子十家其可觀者九家而已今改藝文志之所載曰儒曰道曰陰陽曰法曰名曰墨曰縱橫曰雜曰農曰小說此所謂十家者也而儒家則出於司徒之官道家則出於史官陰陽家則出於義和之官法家則出於理官以至於名家之出於禮官墨家則出於清廟之官縱橫家之出於行人之官雜家則出於議官農家出於農稷之官小說家則出於裨閭官則亦未有無所本者然孟堅所謂可觀者九家而於小說家則曰君子弗爲得非說家或在所指乎孟堅於諸子十家之外又有兵家天文曆諸五行醫經皆刪削歟七畧之說以備子篇者也後世分四部之書而諸子百家皆列於子

部豈亦倣孟堅之体乎隋書之志經籍唐書之志藝文儒道法家名墨縱橫之類大抵與班固而陰陽之家不列於目而唐志又始以雜藝術類然後諸子百家之書燦然可知也夫所謂儒家者何也唐藝文志若晏子則為晏平仲之書曾子則謂曾參之書公孫尼子則為七十弟子集魚七十弟子集之書隋志董子則為戰國董何心之書難字魯仲連則為魯連子之書以作魯仲連子藍鐵論則作於亘寬潛天論則作於王符昌言則作於仲長統中鑒則作於荀悅魏子則作於後漢之魏明本明牟子則作於後漢之年融中論則作於魏之徐幹体論則作於魏之杜恕法訓則作於蜀之之譙周續說苑則作於唐之劉琨

古今說苑則作於唐之李吉甫若乃新語則作

於漢陸賈新書則作於賈誼唐志云賈子十卷新序

則作於劉向或永始元年巨子新論則作於巨譚

頤子新語則作於巨譚志林新書則作於虞喜

而夏侯湛華譚亦皆有新論之作王子正論則

作於王肅袁子正論則作於袁準正言則作於

于室正覽於作於梁周捨而唐之儲光義亦有

正論之作此豈非

儒家者歟所謂儒家者何也唐藝文鬻子之出於

鬻熊唐志作熊道德經之出於老子名輔郊氏傳其

孝田子之出於田駢莊子之出於莊周列子之

出於列禦寇廣成子之出於商路公張太衡注

蘇子之出於蘇彥宣子之出於宣聘陸子出於

陸雲抱朴子內篇之出於葛洪而黔婁子則出
於齊之隱士漢志鶡冠子以鶡冠子為冠則出於
楚之隱人隋志文子之書雖曰出於老子弟子而
班氏以為似依托者此豈非道家者歟所謂
法家者何也唐藝文志管子吾之有管子商鞅之有
商君書謹列之有謹子申不害之有申子韓非
之有韓子晁錯之有新書董仲舒之有春秋決
疑崔寔劉廙之有政論魏巨象之有世要論
梁劉邵之有法論杜佑之有管子指畧此豈非
法家者歟所謂

名家者何也唐藝文志若鄧析子則鄭人與子產
同時者若伊尹文子則與宋鉅形俱游稷下者
若公孫龍子則為堅白之辯者若惠子則所謂

惠施而與莊子並時者漢志至於魏廬毓之九州
州人士論劉劭之人物志梁姚信之士緯范謐
之辨名苑杜周士之廣人物志唐志此豈誹名
家者歟曰墨子唐藝文則為墨翟之作曰隋巢子
曰胡非子則為墨翟弟子之作此句出漢志此所
謂

墨家者然也曰蘇子有列傳則為蘇秦之書曰張
子則為張儀之書而鬼谷子者隋志以周世隱
人目之唐志以蘇秦目之而皇甫謐樂臺輩有
鬼谷之注梁元帝有補缺子之作唐志此所謂
縱橫家者然也若尉繚子唐志則作於六國時
之尉繚尸子則作於魯人之尸佼呂氏春秋之
昨於呂不韋淮南子之作於劉安論衡之作於

王伋風俗通義之作於應邵說林之作於孔衍
抱朴子外篇之作於葛洪金樓子之作於梁元
帝古今注之於作於崔豹續古今精義之作於
唐周蒙類苑之作於劉孝標群書治要之作於
魏證帝王畧論之作於虞世南理道要訣之作
於杜佑此所謂

雜家者然也四人月令之作於崔寔齊民要術之
作於賈思勰荆楚歲時記之作於宗慤玉燭寶
典之作於杜臺卿秦中歲時記之作於李緯四
時纂要之作於韓鄂而范子計然之書則范蠡
與計然之所問答此所謂

農家者然也張華之傳物志傾軋之瑣語劉義
慶之世說劉孝標之續世說裴子野之類林其

皆

小說之謂乎以孫子之

兵法而魏武帝杜牧賈林輩皆為之注武帝又為
之續以吳起之兵法而賈誦孫鑄亦注釋之若
曰六韜隋志以為太公之作而漢藝文志止曰
太公二百三十七篇初無此書之名雖有周史
六韜載之於志然注言惠襄之間或顯王時
或曰孔子問焉顏師古以即今之六韜而亦不
指為太公之書則不知隋志將何所據邪有如
黃帝之太一兵曆太公之匱三宮兵法隋志穰苴
之司馬法黃石公之三畧魏武帝之兵書接要
司馬彪之兵記孔衍之兵林李靖之六軍鏡吳
兢之兵家正史李德裕之西南備逐錄其

兵法之謂乎靈憲圖藝文渾天儀則張衡為之渾
天象注則吳王蕃為之天儀說要則陶洪景為
之靈臺祕苑則庾李才為之而釋周髀乾坤祕
奧法象志則李淳風為之與天剛集以至石氏之
星經傳讀其氏之四七法其皆

天文之謂乎若曆譜十八家見於班氏之志而
四分曆則李梵為之景初曆則晉陽偉為之曆
術則何承天崔浩皆為之皇極曆則劉焯為之
曆義則浮屠一行為之九章重差則為之於劉
向筭經則為之於張正建韓延夏侯陽九章筭
術則為之於徐徽徐岳九章筭經五曹筭經則
又甄鸞為之其皆

曆筭之謂乎京房則有周髀占周髀林焦贛費

直常輅則有易林而贊立則又有易內神靈郭
璞則有周易新林晉史緯則有龜經是所謂
五行者也秦府十八學士及凌煙功臣則闢立
本圖之間元十八學士則商穀帝魚叅圖之是
所謂

雜藝者也若皇帝素問皇帝甲乙經黃帝八十
一難若扁鵲內外經若岐伯灸經是又所謂

醫經者也而班氏之志有曰儒家者流祖述堯
舜憲章文武宗師仲尼以重其言於道最高噫
不如此何以見儒述之尊非諸家之比哉嘗觀
荀卿論十二子有曰今之世飾邪說文奸言以
亂天下混然不知是非治亂之所存是他罵魏
牟也漢志有公子牟忍情性以異為高不足以合大

衆明大分是陳仲史鮑也上功用大檢約而慢
差守是墨翟宋鉞也上則取聽於上下則取從
於俗不可以經國定分是謹到田駢也不法先
王不是禮義而好治性說下而無用是惠施鄒
祈也然則持之有故其言之成理足以欺惑愚
衆者也畧法先王而不知其統子思唱之孟軻
和之世俗唯唯然不知其非也是則子思孟軻
之罪也今夫仁人上則法舜禹之制下則法仲
尼子弓之義以務息十二子之說如是則天下
之害除聖主之迹著矣司馬談論六家之要指
有曰陰陽之術大詳而妙是諱使人拘而多畏
然其叙四時之大順不可失也儒者博而寡要
勞而少功是以其事難盡從然其序君臣父子

之禮列夫婦長幼之禮不可易也墨者儉而難
遵是以其事不可偏循然而強本節用者不可
廢也法者嚴而少恩然其正君臣上下之分不
可改也名家者使人儉而善失真然而正名實
不可廢也道家者使人精明專一動合無形其
為術也因陰陽之天順采儒墨之善撮名法之
要與時遷徙應物變化言約而易操事少而功
多班固之論九家有曰者儒家者流助人君明
教化游必於六經之中晉意於仁義之際於道
最為高唐虞之際商周之盛仲尼之業已試之
效者也然感者既失精微而僻者又隨時抑揚
違離者本苟以譁衆取寵是以五經乖析儒學
寢衰此辟而之患也道家者流清淨以自守卑

弱以自持此其所長也及放者為之則絕去禮
學棄仁義陰陽家者流曆象日月星辰敬授
人時此其所長也及拘者為之則牽於禁忌合
人事而事鬼神法家者流信賞必罰以輔禮制
此其所長也及刻者為之則無教化去仁愛任
刑法而傷恩薄厚名家者流古者名位不同禮
亦異數此其所長也及讐上句切者為之則析亂
而已墨家者流貴儉兼愛上賢古鬼非命上同
此其所長也及蔽者為之見儉之利因以非禮
推兼愛之意而不別親疎縱橫者流權事制宜
此其所長也及邪人為之則上詐諛而弃其信
雜家者流兼儒墨合名法見王治之無不貫此
其所長也及盪者為之則曼長而無所歸心農

旁光流轉百谷歡農桑此其所長也及鄙者爲之欲使君臣並耕悖上下之序小說家者流或一言可采此亦芻蕘狂夫之義致遠恐泥是以君子弗爲也夫諸子者皆起於王道旣衰時君世主好惡殊方是以九家之術竄出並作各引一端崇其所善以此持說取舍諸侯雖有蔽短合其要歸亦六經之文與流裔使其人遭明王聖主得其所折中皆股肱之才也若能脩六藝之術而觀此九家之言舍短取長則可以通萬方之畧夫

觀夫史公於儒不深取論道家甚詳無所病意者習見漢初之事曹參以清淨治天下而百姓無擾自後儒者出來變更紛紛而擾卒

無所補大史公之所以病儒者非果以儒為
非乃陋漢儒耳不然太史公說詩書禮樂春
秋以為學者至今則之夫豈以儒者為無益
哉觀史遷典量生論春秋一段亦可謂識得
儒者矣